

Miexmai mai Kawn nawh

A widow and her son



Wa, Parauk

Miexmai mai Kawn nawh

A widow and her son

Cao tiem lih : Dau Nao

Cao Pawd Riieng : Lamyang

Lox Lai Shiao : Lai Vax

Teei Khaing : lai been Lhaovo

Cao Toe Lih : Samlao Pao

Bawg Plih Lih : Bawg (1)

Khix Num : 9 /2021

Author : Dau Nao

Illustrator : Lamyang

Original Language : Lhaovo

Translated Language : Wa

Translator : Samlao Pao

Edition : First Print

Date : Sep /2021

Wa, Parauk

Myanmar

Copyright © 2021, Literature Department Of WBC, SIL


For permission to reuse, contact the copyright holder.



Didix koe yaong tix yaong, daux
yaong an koe miexmai tix kaux. Miexmai
an nawh koe kawn simex tix kaux heue.
Kiex kied sidaing hot shia, kiex koe ngie
kaung yuh tix mu ngie heue.




Tix ngaix yam yuh kawn simex nawh
kaing daux kaung miexmai hoek ti tawx
priex ih kawn tix heue. Son sang ih priex
ngawb, kawn simex miexmai hoek ka
nyiex gox caox heue.




Yam yaox kawn miexmai ka priex viex miex, nawh ang keud grawng hot shia nyiex ma kix heue. Nawh meet rhawm mai ah ka miex tix "Aux kied sidaing taug mao ka yuh kaing ku ngaix kawx maix ang yuh ti viex aux ih priex nyawm. Priex viex maix awm priex ih lig keung maix ti yum" ah nan heue.




Miex nawh kied laux rhawm mai ing ka nyiex tix heue. Viang laux rhawm ka lox ah kawn tix kawx ang sax jud hoek tawx priex ih son kawn simex nawh heue. Kawn nawh ah lox caox ka nawh miex ding kawx miexmai hoek ti tawx priex ka kawn tix ku ngaix heue.




Tix ngaix kheu ang kawn simex
nawh khaw rhawm ka priex pa viex miex
tix nawh teei khaox puat moi mai siviet
ka miex nawh heue. Khaix siviet nawh
miex tix miex nawh kied lhat mai ing ka
nyiex heue.



Khaix ing miex nawh kawn simiex an
ang koe rhawm ka yuh kaing ceeix kawx
mai nawh hu it greem veei khaox tix mu
heue.




Yam ngawm nawh ti laux greem
khaox tan, nawh yaox mheem sim tix mu
heue. Miex sim tawx kawn tix ih priex
khawm rhawm moh heue. Yam yaox
nawh pa yuh miex sim ka kawn tix nawh
deeh ti doh keud ka krax moh miex, pa
yuh miex nawh kapiang nawh tom yam
iak ti heue.



Yam an kawn miexmai nawh doh
keud ka krax pa hoik lud tix ka miex "Ha.
. . aux hoik lud yuh kapiang miex aux.
Jah yam in aux ang lai yuh nan ka miex
aux" nawh tat rhawm yuh nan heue.




Yam hoek ngaix khai, viang
miexmai lhat ka kawn tix kawx nawh khi
rhawm ka son priex ih kawn nawh heue.
Nawh moh ka kawn mai khi rhawm ka cai
rhawm kawn tix heue. Miexmai baox
hoek ti tawx priex ih ka kawn heue.



Khaix klih rhawm kawn simex ka pa yuh ti piang miex, nawh keud daux rhawm tix "Aux sang rieb miex aux in ngaix." Mai nawh to hu rieb ka miex tix yam hoek miex nawh ti tawx priex heue.



Miexmai yax to kawn ti hoek ka nawh, nawh lhat mai keud daux rhawm "Kawn aux to ti hoek sang tawk ka aux" ah nan heue. Miexmai kied lhat mai deeh to ing ka nyiex heue. Kawn nawh pao lox "Miex eue paw to, laux maix liak. Aux hoik tawng phimap yuh tix mai aux sang khyiox khaw ka maix" ah nan heue. Miexmai to khawm lhat mai gi ti jhak ka kawn plak khaix, nawh loe ti canklat rau daux rawng kaung mai yum tan heue.



Khaix hoik yum miexmai kawn
simex nawh yiem "Miex. . . aux ot nong
yuh ka mawx khaix maix lie?. Yam in aux
mawh kawn doe tix kaux" ah nan heue.
Viang nawh doh keud ka phimap yuh tix
kawx miex nawh ang lai koe heue. Krax
pa keud pot kawn simex hoik luan bawg
yam heue.

